



80  
Rom




1. Graconites f. G. Johan / gottes vorfifungen  
von Christo auß Moſe und allen propheeten  
Lübeck 1550. f. 4.
2. — von Job und der Naamen Jesu Christo  
Lübeck 1550.  
constat 16. ff.
3. — von der Sündfluff.  
Lübeck 1549.
4. — von Zwillingen im Bibe  
Rebecca, Lübeck, 1550
5. — von dem Silah Jesu Christo  
Lübeck 1549.
6. — Das ist Man, Lübeck  
1550.
7. — von dem selb d. C. Lübeck  
1550
8. — von dem Alkan unfrucht  
Gott d. Lübeck, 1550.
9. — von dem vrien Brandopffer.  
Lübeck. 1550.
10. — vom Dyriß offer, Lübeck  
1550.



//

# Von dem Wider

In wandel.



DOCTOR IOANNES  
DRACONITES.

Leuit: V.

Wenn eine Seele sündiget / irgend wider ein gebotte  
des HERRN / sol sie bringen einen  
Wider on wandel.



Leuit: V.

Wenn sich eine Seele vergreiffe an dem das dem Herrn  
geweiht ist: sol sie je Schuld Opffer dem Herrn  
bringen / einen Widder on wandel  
von der Herde.



Jo. I.

Sibe dis ist Gottes Lamb / das der Welle  
Sünd treget.

Wenn eine Seele sündiget / so bringet sie ein  
Opffer / ein Widder on wandel  
von der Herde.



# Den Erbarn vnd Weisen

Bürger Meister vnd Rat zu Staden:

Frid durch **CHRISTUM**.



## **C** dancke meinem

### Gott tag vnd nacht/ lieben Herrn

vnd freunde/ für den Himelichen Segen/ das Heilig Euangelion/ damit er dise Stette segner vnd sich gegen sie stellet/ als wölle er jr freund bleiben ewiglich: wenn sie nur fest an

seinem wort halten/ vnd sich für menschenleren hüten/ die kein nütz sind zum ewigen leben: Als **CHRISTUS** selbs spricht Matth. 15. Sie dienen mir vergeblich / die nichts leren denn Menschenges botte. Es ist doch je kein ander mittel von sünd/ welt/ teuffel/ Tod Hell/ erlöst zuwerden vnd das Ewigleben im Himmelreich zuerlangen/ ja es ist auch in disem wütende Meer kein ander Stern der vns bei nacht anzeige wohinaus/ denn Gottes verheissunge das Euangelion **CHRISTUS** geglobet vnd bekand: wie z. Pe. 1. auch zeuget das Gott auff seine verheissung anrufen vnd auff die versprochen hülffe wartten/ eine kunst sei von Gott erlösung zuerlangen/ da er spricht/ Wir haben ein festes Prophetisches wort/ vnd jr thut wol das jr drauff achtet / wie auff ein licht das scheint an einem tunceltn ort/ bis der tag anbreche vnd der Morgenstern in ewern hertzen auffgehe.

Wer Weißheit wird mir auch gelobet/ als solt jr Gottes wort für ewren Schacz vnd seinen **CHRISTUS** für ewren Schucz halten: Wie er denn warlich der einig Fels ist/ wider den alle Pfortten der Hellen nicht souiel vermügen: nach disem rhum Pauli Ro: VIII. Er siezt zur rechten Gottes vnd vertritt vns.

Ich wolt ich auch disen Spruch des Herrn an ewer Gottseligkeit erfüllen helfen: Wer hat dem wird gegeben: damit das ich ewer Christlichen liebe von meines Herrn gut etwas sendet/ denen zutrost so begeren mit dem wort getröstet zuwerden/ nemlich das mir Gott dis Jare gegeben hat von seinen Göttlichen verheissungen von **CHRISTUS** vnd der Christenheit aus Mose vnd allen Propheten. Verhoffend Wer Weißheit solt meine liebe gegen alle Christen zu Staden nicht verachten/ sondern als eine freud die ich an ewer seligkeit hab in **CHRISTUS** zum besten auslegen: wie denn Christen solchs wol anstehet.

Das ich aber nach meiner gewonheit keine Vorrede schreibe/ darinnen geleret/ wie man dises Capitels nuce brauchen möcht: geschicht ewren lieben Predigern zu ehren/ welche  
ij mit



## Vorrede.

mir so gerühmet werden/ als solten sie dis vnd dergleichen Capitel  
von **CHRISTO** wol besser auslegen können denn ich einfaltiger  
Schüler der heiligen schrift. Derhalben ich auch dieselben euch herzlich  
lich Befolgen wil haben/vnd auff dis mal nichts mehr begeren/ denn  
das jr Gottes wortt für ewer seligkeit halt/ vnd alle Prediger des  
wortts liebet/ als ewre selen. Ich grüße freundlich vnd sonderlich  
Hern Joan Dsenbüg / Bartold Wilken / Joan Berg / Laurentz  
Zeruerst. Die gnad vnsern Hern **IESU**  
**CHRISTI** seie mit vns allen in ewig  
keit: **A M E N.**

Geschrieben in der Webe Sanct Jacobs:

**III. Junij. M. D. L.**



# Von dem Wider on wandel:

Das fünffte Capitel des  
dritten Buchs A. Mose.

**W**as der Wider on wandel **CHRISTUS** bedeutte / zeuget erstlich A. Mose Ge. 22. Darnach Jo. 1. Das ist Gottes Lamb das der welt Sünd treget. So laßt vns das Capitel in dreie stücke teilen / vnd reden: Im ersten / Von den dreien Sünden dafür man Schafe vnd Ziegenmütter opffern sol / vnd was solch Opffer bedeutte. Im andern / Was die armen opffern sollen: Im dritten / Vom Schuldopffer das für dreierley Sünde gescheen sol.

**W**enn eine Seele sündigen wird / das er einen fluch höret / vnd er des zeuge ist / oder gesehen oder erfahren hat / vnd nicht angesagt / der ist einer missthat schuldig

Oder wenn eine Seele etwas vnreines anrühret / es seie ein as eines vnreinen Thiers / oder viehes / oder gewürmes / vnd wüste es nicht / der ist vnrein / vnd hat sich verschuldet. Oder wenn er einen vnreinen menschen anrühret / in waserlei vnreinickheit der mensch vnrein werden kan / vnd wüste es nicht / vnd würde es innen / der hat sich verschuldet.

Oder wenn eine Seele schwehret / das im aus dem Mund entferet / schaden oder guttes zuthun / wie denn einem menschen ein schwur entfaren mag / vnd wüste es nicht vnd würde es innen / der hat sich an der einem verschuldet.

Wenns nu geschicht / das er sich der eines verschuldet / vnd bekennet / das er daran gesündigtet habe / so sol er für seine schuld / diser seiner Sünd die er gethan hat / dem Herrn bringen / von der herd / ein Schafe oder Ziegenmutter / die da getragen haben / zum Sündopffer : so sol im der Priester seine Sünde versünen.

In diesem dritten teil laßt vns reden.

Da

Von



## Von dem Wider on wandel.

### Von dreierley Sünden dafür man

die Schafe vnd Ziegenmütter opffern  
sol: vnd was solch Opffer bedeutte.

**D**ie erste Sünde war: Wenn ein vbelthetter für gerecht  
schwehert er habe nicht gethan das man in beschuldiget/  
vnd ein ander der weiß das er falsch schwehert solchs nicht  
anzeiget aus Göttlichem euer/ der ist eben so wol ein vber-  
tretter des andern gebottes als der da falsch schwehert:  
denn dis wort Gottes Ex. XX. Ich wil niemand vn-  
schuldig halten der meinen namen vergeblich füret / sie beide  
trifft.

**D**ie andere Sünde war: Wenn sich jemand ver-  
unreiniget durch anrühren des das verboten anzurühren / vnd achtet  
solcher unreinigkeit nicht aus hinlessigkeit vnd isset vom geheiligeten  
so er doch nicht gereiniget nach dem Gesetz/ der sol ein Opffer thun  
für die sünde wenn er seiner hinlessigkeit innen wird.

**D**ie dritte Sünde war: Wenn einer vergeblich schwehert auch vnuerse-  
bens/ der sol ein Opffer thun für die Sünde.

Was zeigen aber  
solche Gesetz anders an / denn das menschlich art so gar durch die  
Erbünde verderbet sei/ das auch was sie redet oder anrühret vnrein  
sei/ ob es gleich seiner art halben nicht vnrein were i. Ti. i. Den vn-  
reinen ist alles vnrein.

Das aber für solche Sünde ein Schaff  
oder Ziegenmütter geschlachtet vnd geopffert werden must / deutet  
auff **CHRIST** Tod: welcher das rechte Agnus Dei war so  
der Welt Sünd trug/ vnd vmb welches willen den glewbigen jre  
Sünde dafür es geopffert vergeben ward. Spricht jemand

### Wozu dienet solche Koste? kund nicht

die Sünde vergeben werden durch ein abso-  
lution wie im Newen Testament?

Antwort.

**D**er dreifaltige nuz so entpfangen wird aus disen Op-  
ffern war viel grösser denn die koste/ welche gros war  
so man die Schafe vnd Ziegen hette zelen wollen.  
Erstlich lerneten die **CHRIST** glewbigen aus dis-  
sem Opffer/ wie in Gott sünde vergeben vnd sie selig ma-  
chen wolt vmb des künfftigen Opffers **CHRIST** wil-  
len/ als Ge. 3. vnd 12. versprochen welches durch das  
Opffer bedeutet. Siche weil man durch solch erkendnis **CHRIST**  
**T** gerecht für Gott vnd selig ward/ so war der nuz mit dem kos-  
ten nicht zuergleichen.

Darnach war diese Ceremonien  
vnd so



## Von dem Wider on Wandel.

vnd kost dazu gutt/das man neben dem worttein zeichen sette das die  
die wortte deste tieffer ins hertz gebildet warden: als Christus  
auch im Newen Testament das geheimnis seines Todes im Brod  
vnd Wein derhalben gestiftet 1. Cor. 11. Endlich mussten die  
Juden mit diesem Opffer ire danckbarkeit erzeigen vnd üben für die  
versprochene gnad in CHRISTO vnd das Priesterthum mit  
solchen Opffern erhalten.



Vermag er aber nicht ein Schafe/ so  
bringe er dem Herrn für seine schuld  
die er gethan hat / zwei Dürdeltau-  
ben oder zwei jungetauben: Die erste  
zum SündOpffer/ Die andere zum  
BrandOpffer. Vnd bringe sie dem  
Priester/der sol die ersten zum Sünd-  
Opffer machen / vnd ir den kopff abknippen/ hinter  
dem genick/ vnd nicht abreissen / vnd sprengte mit dem  
blut des SündOpffers an die seitten des Altars/ vnd  
das vbrige blut las ausblutten / an des Altars laden/  
dis ist das SündOpffer. Die andern aber sol er  
zum BrandOpffer machen / nach seinem recht / vnd  
sol also der Priester im seine Sünd versünen/ die er  
gethan hat/ so wird sie im vergeben.

Vermag er aber nicht zwei DürdelTauben / oder zwei jun-  
ge Tauben/ so bringe er für seine Sünd sein Opffer/  
den zehenden teil Ephi Semelmehl/ zum Sündopffer.  
Er sol aber kein Ole darauff legen / noch Weyrauch  
drauff thun / denn es ist ein SündOpffer/ vnd sola  
zum Priester bringen/ der Priester aber sol ein hand vol  
nemen zum gedechtnis / vnd anzünden auff dem Altar  
zum Opffer des Herrn/ das ist ein SündOpffer/vnd  
der Priester sol also seine Sünd die er gethan hat/ im  
versünen / so wirds im vergeben / vnd sol des Priesters  
sein/ wie ein SpeißOpffer.

In diesem andern teil last vns hören.

### Warumb Gott verhenget den Armen

Ala ij

Tauben



## Von dem Widet on wandel.

### Tauben zuopffern/ wenn sie keine

Schafe haben: vnd ein zehend teil Ephi  
wenn sie keine Tauben haben:  
vnd was solchs alles  
bedeutet.



Wann er den armen zutrost: vnd wil haben das  
sie zuo lere aus disem gepotte schepffen sollen.  
Erstlich das Gott ein sonderlich auge habe auff  
das armut: weil er im Opffer fürschrreibet das sie  
geben können. Darnach das Gott der armers  
geringes Opffer eben so lieb habe als der reichers  
gros Opffer: denn der text spricht/ Also sol im die  
Sünde vergeben sein.

Wann das bedeutet aber das die Tauben abegethan vnd jr blut  
vergossen wird: Das CHRISTI Tod vnd Blut  
den armen so dem Euangelio glogen eben so gerecht vnd  
selig mache als den reichen: Wie Paulus Ro. X. zeuget da er sprichet/  
Es ist hie kein vnterschied/ es ist allerzumal ein Herr reich vber  
alle die in anrufen: denn wer den namen des Herren anrufen wird  
Der sol selig werden.

Das aber Gott dem armut seer hold seie/ zeigt Mose ferner das  
mit an das er spricht: Wer so arm seie das er keine Taubens  
opffern könne/ der sol ein zehend teil Ephi opffern/ das ist/  
souiel Mehls als einem Menschen zu einem Tagesfutter von nöth  
ten ist.

Wann das bedeutet aber das er spricht/ Man solle kein  
Ole drauff thun noch Weirauch: Das Gott der  
Sünden vngnedig seie: Denn Ole Barmhertzigkeit  
bedeutet/ vnd das Gott kein Opffer on den glauben an CHRISTI  
TOD annemen wolle. GOTT ist der sünden also feind das  
er sie nicht alleine mit zeitlicher vnd ewiger plage straffet/ sondern auch  
das sie kein Opffer ewiglich vnd vollömlich versünen kan denn der  
Tod CHRISTI: Wie Heb. 9. zeuget/ Er ist ein mal durch  
sein eigen blut in das Heiligtum gegangen vnd hat ein ewig erlö  
sung erfunden.

Die diese Ceremonien sind alle darum gestiftet/ das alle glogen  
sigen dadurch gewis würden/ das Gott vmb des künfftigen  
Opffers CHRISTI willen/ alle Sünde vergeben vnd das  
ewig leben vmbsonst geben würde.

Das der HERR redet mit Mose vnd sprach/  
Wenn sich eine Seele vergreiffet/ das sie es verst  
het



## Von dem Wider on Wandel.

bet/ vnd sich versündiget an dem das dem Herrn ge-  
weibet ist/ sol sie jr SchuldOpffer dem Herrn brin-  
gen/ ein Wider on Wandel von der Herd / der zweert  
seckel Silbers werd seie/nach dem seckel des Heiligthu-  
ms zum SchuldOpffer / dazu was er gesündiget hat  
an dem geweihten sol er widergeben / vnd das fünffte  
teil darüber geben/ vnd sol dem Priester geben/ der sol  
inen versünen/ mit dem Wider des SchuldOpffers/so  
wirds im vergeben.

Wenn eine Seele sündiget/ vnd thut wider irgent ein gebotte  
des Herrn/ das sie nicht thun sol / vnd hats nicht ge-  
wust / die hat sich verschüldet / vnd ist der Wider on  
schuldig. Vnd sol bringen einen Wider von der  
Herd on wandel / der eines SchuldOpffers werd ist  
zum Priester/ der sol im seine vnwissenheit versünen/  
die er gethan hat/ vnd wuste es nicht / so wirds im ver-  
geben/ das ist das SchuldOpffer/ das er dem Herrn  
verfallen ist.

Vnd der Herr redet mit Mose vnd sprach: Wenn eine  
Seele sündigen wird vnd sich am Herrn vergreiffen/  
das er seinem nebenMenschen verleugnet was er im be-  
wohlen hat / oder das im zu trewer hand gethan ist/  
oder das er mit gewalt genommen / oder mit vnrecht zu  
sich bracht/ oder das verlornt ist funden hat / vnd leug-  
net solchs mit einem falschen Eyde / wie es der eines  
ist/ darinnen ein mensch wider seinen nechsten Sünde  
thut: wenn es nu geschicht das er also sündiget vnd sich  
verschüldet / so sol er widergeben was er mit gewalt  
hat genommen oder mit vnrecht zu sich bracht/ oder was  
im befolhen ist/ oder was er funden hat / oder warü-  
ber er den falschen Eyde gethan hat / das sol er alles  
gancz wider geben/ dazu das fünffte teil darüber geben/  
dem des gewest ist / des tages wenn er sein Schuldop-  
ffer gibt. Aber für seine schuld / sol er dem Herrn  
zu dem Priester/ einen Wider von der Herd on wan-  
del bringen / der eines SchuldOpffers werd ist / so sol  
Ma iij in der



## Von dem Wider oft wandel.

In der Priester versünen für dem Herrn/ so wirds im vergeben alles das er gethan hat / das er sich dran verschuldet.

In diesem ersten teil laß vns reden.

## Vom SchuldOpffer das für dreierley Sünd geschehen sol.

**S**ind die dreie Sünde dafür man SchuldOpffern sol. Die erst ist: Wenn man sich an dem versündigt das geweiht ist: als dem Herrn vnd seinen Priestern nicht bezalen was vnd wie man in schuldig. Die ander ist/ Wenn man sich jergend an einem gebotte verschuldet das Priester Thum vnd Gottes Dienst betreffend. Die dritte ist/ Wenn jemand dem nehisten etwas verlcugnet oder entwendet. Siche für diese dreierley Sünde wenn man ir innen wird/ sol man einen Wider oft wandel opffern.

## Was bedeutet aber das SchuldOpffer?

**D**as Wider bedeutet **CHRISTVM**: wie Ge. 22. vnd Jo. 1. **IESVS** Gottes Lamb genennet wird. On wandel sein/ bedeutet **CHRISTVM** on sünde sein. Jesa. 53. Er hat niemand vnrecht gethan. Von der Herde sein/ bedeutet das heil **CHRISTVM** von den Juden sein. Jo. 4. So wird durch dieses Widers Opffer **CHRISTVS** Tod bedeutet welcher am Creuz geopffert für vnser sünde bezaltet hat/ vnd sein blut vnser ewige reinigung ist von allen Sünden/ also/ das dieses Judischen Widers Opffer nicht weiter gelten solt/ denn so es im glawben des künfftigen Widers Opffer geschee: Summa nicht dieses Widers halben sondern vmb **CHRISTVS** willen durch diesen Wider fürgebildet ward den glawbigen so opfferten die Sünde vergeben vnd das ewige leben gegeben: wie Esa. 53. **CHRISTVM** auch derhalben ein SchuldOpffer nennet da er spricht. Wenn er sein leben zum SchuldOpffer gegeben hat/ wird es lauen haben: Vnd er mein gerechter Knecht macht viel gerecht/ durch sein erkendnis/ denn er treget ire Sünde.

## Was bedeutets aber das man vber das SchuldOpffer dem nehisten auch widergeben muste?

Ob



## Von dem Wider on Wandel.

**D**ie gleich durch den geopfferten Wider vmb des glawbens willen an den künfftigen Wider **JESVA** die misserthat versünet dennoch dem HeiligThum oder neben menschen das genomen oder behalten gutt widergeben müssen/ bes deuttet/ **W**iewol **CHRISTVS** die sünde volckömlich versünet hat mit seinem tod vnd blut/ dennoch hat er sie nicht darumb vnd also versünet das man darauff sündige/ sondern fodert ein buss fertiges leben reich von gutten wercken/ also/ das man sich mit dem nehisten vertrage vnd das genomen widergebe.

**W**iewol aber die Sünd in der glewbigen leibe sticken bleibet bis in das liebe grabe / also das es weder mit Sünde lassen vnd gutten wercken fort wil: als Paulus Gal. 5. vnd Ro. 7. klaget. So kan doch der Heilig geist vnd glawbe an **CHRISTVA** nicht leiden das die sünd im fleisch hersche / sondern todtet sie vnd wirckt gutte werck nach seinem willen: als Ro. VI. vnd VIII. Paulus zeuget. Die Sünd aber herschet wenn man sich mit dem nehisten nicht verreyget noch das genomen widergibt. Das rümb ist die Jamer Tal nichts anders denn ein Streit wider die Sünd vnd vbung des glawbens durch gutte werck so dem nehisten zu gutt komen: nach diesem Spruch, **CHRISTJ** Jo. 13. Dabej wird ider man erkennen das jr meine Jüngere seit/ wenn jr euch lieben werdet vnters einander.

Geprediget zu Aarburg. M. D. XLvj.  
Geschrieben zu Lübeck. M. D. L.

Bedruckt durch Johan  
Ballhorn.



15

*[Faint, illegible text, likely bleed-through from the reverse side of the page]*

*[Faint, illegible text, likely bleed-through from the reverse side of the page]*

*[Faint, illegible text, likely bleed-through from the reverse side of the page]*






88 153

AB 88 153

X 199 7507

3







eisOpffer.

# Von dem Wider

## In wandel.

DOCTOR IOANNES  
DRACONITES.

Leuit: V.

Wenn eine Seele sündiget / irgend wider ein gebotte  
des **HERREN** / sol sie bringen einen  
**Wider on wandel.**

